

INDEX GEOGRAPHICUS. 5

eiusdemque Urbis varia, diversaque sunt nomina, Iosue 11. v. 1. Jabin Rex Asor misit ad . . regem Achsaph, & 12. v. 20. Inter reges, quos percussit Iosue in Terra Chanaan, rex Achsaph unus. Cap. autem 19. v. 25. Axaph quarta describitur inter viginti duas Urbes Tribus Afer, & Iudic. 1. v. 31. Afer (Tribus) non delevit habitatores Acco. Mihi Acco, & Axaph, & Achsaph eadem Urbs est. V. Animadversiones. Ptolemæis etiam cum Acco respondet, idque ex omnium Authorum consensu. Urbs ipsa maritima inter Tyrum & Cæsaream Palestinæ describitur: huiusque mentio multoties est in 1. & 2. Machab. Et à Tyro Ptolemæidem, à Ptolemæide Cæsaream appulit Paulus, Act. Apost. 21. v. 7. & 8.

Achad, Gen. 10. v. 10. Urbs describitur inter Arach, & Chalanne, in Terra Sennaar: quas omnes ædificavit Nemrod, ut & Babylonem.

Achaia Græciæ pars est meridionalior, cujus tantum mentio est in Novo Testamento, Act. Apost. 18. v. 12. Gallione Proconsule Achaia, insurrexerunt uno animo Iudæi in Paulum; & adduxerunt eum ad Tribunal, v. 13. dicentes; quia contra legem hic persuadet hominibus Deum colere. Et iterum Achaia mentio multoties est in Pauli Epistolis; ad Romanos, 1. & 2. ad Corinthios, ubi Corinthum ponit in Achaia, i. sub Achaia Proconsule, & 1. ad Thessalonicenses.

Achazib, Acziba, Ecdippa, Iosue 19. v. 29. inter viginti duas Urbes, quas recenset in Tribu Afer, Acziba mihi vigesima videtur, eadem est Achazib, Jud. 1. v. 31. inter Urbes, quarum habitatores non delevit Tribus Afer, Achazib etenim non cum alia, quam cum Acziba convenire potest: ut & Ecdippa Iosephi, & Ptolemæi. Vide Animadv. Alia & Aczib in Tribu Iuda.

Achor Vallis, five Vallis Achor, quam ad Septentrionem respicit Galgala. Iosue. 15. v. 7. Hic jussu Domini omnis Israël lapidavit Achan, & omnia quæ illius erant igne consumpsit, propter furtum de anathemate in Iericho.

Achsaph. V. Acco.

Achzib Urbs in Tribu Iuda, & regionis quartæ octava; inter Ceila, & Maresa posita, Iosue 15. v. 44. Alia est Achazib in Tribu Afer.

Acrabaterna Regio, five Toparchia, Ioseph. lib. 2. Bell. 21. In vico, quem Gemma vocant, qui est in magno Samariæ campo situs, quidam Galilæus interfectus est; unde seditione inter Galilæos & Samaritanos orta, Galilæi in Acrabaterna Regione promiscuam edidere cædem, nulli parcentes ætati, cap. 42. & 44. Acrabaterna Toparchia dicitur, quæ lib. 3. c. 4. ordine tertia enumeratur, Plinio quinta.

Acrabin, i. Ascensus Scorpionis; is est à deserto Edom in Tribum Iuda per montes difficillimos introitus, sed ab Acrabaterna Regione five Toparchia, quas aliqui in unum confundunt, diversissimus & remotissimus. Ascensus Scorpionis est in meridionali limite, non Tribus Iuda modo, sed & totius Terræ promissæ. Limites Terræ promissæ à Mari falsissimo circuibunt Australem plagam per Ascensum Scorpionis; ita ut transeant in Senna, Numer. 34. v. 4. Tribus Iudæ limes egreditur contra Ascensum Scorpionis, & pertransit in Sina, &c. Iosue 15. v. 3. Acrabata autem & in Tribu Manasse, Galilææque vicina.

Acziba. V. Achazib.

Adada Urbs sexta primæ partis Tribus Iudæ, & inter Dimona, & Cades-Asor descripta, Iosue 15. v. 22.

Adad-remmon, huius loci meminit solus Zacharias Proph. 12. v. 11. In die illa magnus erit planctus in Ierusalem: sicut planctus Adad-remmon in campo Mageddon, cum Iosias dimicavit contra Necaum regem Egypti, 2. Par. 33. v. 22. ibique vulneratus à sagittariis, v. 24. aspor-

Latit.
Gr. Scr.

Longit.
Gr. Scr.

32. 5. 80. 50.

36. 30. 48. 30.

33. 11. 66. 55.

31. 44. 67. 7½

31. 27½ 66. 13.

32. 19. 67. 8.

30. 55. 66. 25.

33. 11. 66. 55.

30. 57. 66. 8.

32. 28. 66. 39.